



**Claudii Fleurii Abbatis Historia Ecclesiastica**

Ab anno Christi 1549. usque ad annum 1551 - ... Atque Tabulis  
Chronologicis Ab Anno Christi 1000 Usque Ad 1595 ...

**Fleury, Claude**

**August. Vind. [u.a.], 1770**

**VD18 90118537**

§. 7. Congregatio a Pontifice habita pro dando responso ad Cæsaris  
postulata.

---

[urn:nbn:de:hbz:466:1-66584](#)

nis, & amplis mandatis agendi de rebus omnibus, quæ ad Rempublicam pertinebunt, Sæc. XVI.  
A.C. 1550.  
ut ne qua mora deliberationibus, vel impedimentum inferatur.

### §. VII.

*Congregatio a Pontifice habita pro dando responso ad Cæsaris postulata.*

**E**nimvero Julius III. Papa vix Pontificatum adeptus sacrum Collegium Pall. I. II. c. 3.  
n. 2. &c. 7. cuidam interesse voluit Congregationi, n. 1. &c. 2. quæ ex iisdem Cardinalibus, atque Episcopis, quos Paulus III. ejus Praecessor selegerat, constabat, & solus aberat Cervinus periculo morbo decumbens: Itaque in hoc Patrum conventu decretum, quod Papa Petrum Toletanum ad Cæsarem, & Abbatem Rosetum ad Galliarum Regem allegaret, dato negotio, ut utriusque Principi pro sollicitudine, qua illius electionem promovebant, grates rependerent, ac paternam eis benevolentiam offerentes illos ad pacem, quæ unicum afflictæ Ecclesiæ levamen foret, hortarentur: speciatim vero Oratori ad Franciæ Regem allegato injunctum, ut de Parmensi urbe mentionem inspergeret; Papa enim ex juramenti ide in conclavi ante suam electio-



**Sæcul. XVI.** electionem data Octavio Farnesio hanc  
A.C. 1550. urbem restituere, ac pro illius præsidio  
 duo aureorum millia ad singulos Menses eidem assignare tenebatur, quinimo  
 Camillo Ursino, ut expensas in propugnanda hac urbe factas eidem compensaret, viginti insuper aureorum milia numerare debebat. Attamen re comperta Galliarum Rex hanc Pontificis agendi rationem minime probabat; cum igitur Papa Regem haud abs re offensum pertimesceret, ut eundem placaret, Rosseto Abbatii in mandatis dedit, quatenus Regi exponeret, quod hanc restitutionem omnino facere compulsus esset, cum jurejurando in sacris comitiis præstito ad id obstringeretur, nilque aliud intenderet, quam pacem, & concordiam inter Fratres reddere, omnemque belli prætextum submovere, ac denique Cæsarem ab occupanda hac urbe prævertere. Porro Toletano injunxit, ut Imperatori declararet, Pontificem ad convocandam Synodus pro restauranda Religione, ac pace paratissimum esse, dummodo pro parte sua Cæsar quoque omnia submovere vellet obstacula, quæ tam pium opus præpedire possent.

§. VIII.